

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

De tertio

[urn:nbn:de:bsz:31-122776](#)

curat hos leprosos absque ullo medicamento, dum enim ad Sacerdotes abeunt, lepra in corpore ipsorum planè evanescit. Confidite ipsi, vos mei, in omnibus necessitatibus, nam superabundanter facere potest, &c. Ephes. 3. v. 20. Ps. 135. v. 6. Judith. 9. vers. 4.

## De Tertio.

**R** Estat pars tertia, de gratitudine Samari-  
tanæ, cuius hic describitur

1. *Stimulus*. Nam postquam vidit se sanatum, ad Christum revertitur. Nos innumera quotidie accipimus beneficia tam spiritualia quam corporalia æquum igitur est, ut ad Christum revertamur, & illi nos sociemus, à quo beneficia accepimus. Non hicalios moremur, qui nos ad mundi avia vocant, Sap. 2. v. 1. seqq. Sed relictæ impiorum consortio Christum sequamur, & bene ponderemus, quod paralytico dictum est, Joh. 5. v. 14. applicetur huc exemplum Naaman, 2. Reg. 5. v. 15.

2. *Modus*. Declarat enim gratitudinem suam dupliciter:

1. *Procidendo*, & hoc ipso humilitatem cordis sui exprimit, quæ ad gratiarum actionem vel maximè requiritur. Prinde canamus cum Davide Ps. 115. v. 1. Non nobis Domine, non nobis, sed nomini tuo da gloriam. Et cum Daniele c. 9. v. 7. Tibi Domine justitia, nobis autem confusio facie. Nunquam enim superbi Deo placuerunt, sed humiles in primis respicit, Judith. 9. vers. 16.

2. *Psalmando*. Nammagnâ voce Deum glorificat, & pro recuperata sanitatem ipsi gratias agit, quod & nos imitari debemus, ut graviter horratus psalmus regius Ps. 107. v. 17. seqq. & Hiskias suo exemplo nobis

prælucet, Isa. 38. v. 19. 20. gratitudo enim Deo & hominibus accepta est, Sir. 38. v. 1. seqq.

Nos plerunque contrarium agimus, morbo pressi querulamur, & vita correctiōnem promittimus, sed postea, quando sanitatem pristinam recepimus, beneficii collati facile obliviscimur, & ad priora peccata redimus, ut merito quis cum Moše nobis exprobret ingratitudinem nostram, Deut. 32. v. 6.

3. *Vsus*, der herrliche Muß / den er davon hat / qui duplex :

1. *Deprædicatio*. Postquam enim Christus unicum hunc Samaritanum redire videt, deprædicat ipsius perseverantiam, & nonne, inquit, decem mundi facti sunt, ubi ergo sunt novem? non sunt reperti qui redirent, ut darent Deo gloriam, nisi hicaligena. Quibus verbis Christus novem istos, qui non reversi erant, ingratitudinis accusat, Samaritanum verò extollit, quod reversus Deo gloriam dederit: Ita deprædicabit aliquando nostram perseverantiam, & coronam vitæ nobis imponet, Apoc. 1. vers. 10.

2. *Confirmatio*. Nam surge, inquit, & abi, fides tua te salvum fecit. Cæteri corporalem tantum sanitatem reportarunt: Sed hic Samaritanus, quia grato animo beneficium sibi exhibitum agnoscit, spiritualem etiam sanitatem impetrat, & per fidem conservatur ad salutem. Ita qui gratus est pro beneficiis acceptis, ad majora Deum invitat, idè, enim nihil aliud à nobis exigit quam gratias habere pro his quæ nobis facta sunt, ut pro illa ipsa gratiarum actione ad ampliora danda provocetur, inquit Chrysostomus. In omnibus igitur gratias agite, haec est voluntas Dei, 1. Thess. 5. vers. 18.

Psalm.

Psalm. 50. vers. 14. Col. 3. vers. 17. tunc eritis aliquando in numero Deum collaudantium & glorificantium in sempiterna se-

cula , quod concedat nobis SS. Trinitas per Jesum Christum Salvatorem nostrum, Amen.

## Dominica XV. post Trinitatis.

*Evangelium Matth. 6. v. 24. 34.*

**G**en. 19. v. 26. de uxore Lothi commemoratur, quod in Sodomæ conflagratione recipiens contra mandatum Angeli, in salis statuam conversa fuerit.

Hujus historiæ Christus memores esse jubet eos, qui paulò ante mundi finem vieturi sunt, Luc. 17. v. 32. ne præpostero terrorum amore se decipi patientur, sed obliviscantur eorum quæ retrò sunt, & ad ea, quæ priora sunt, sese extendant, Phil. 3. v. 13. ideo enim Lothi uxor facta est statua salis, inquit Augustinus, ut te condias, & ad sapientiam eruditias.

Huc pertinet prælecta pericope, quâ Angelus ille magni consilii, Christus Jesus, à servitio Mammonæ omnes verè Christianos variis argumentis dehortatur, & regnum Dei ante omnia inquirere jubet, spondens fore, ut tunc reliqua omnia nobis adjiciantur.

Evangelium habet duas partes, quas breviter percurremus, ut sunt:

I. *Mammonismus.*

II. *Christianismus.*

EXEGESIS.

JJ.

**I**N V. T. noluit Dominus unum agrum diverso semine conseui, noluit in bove & asino sub eodem copulatis jugo arari, noluit vestimenta gestari, quæ ex lino & lana contexta essent, Deut. 22. v. 9. 10. 11. Quid putatis, vos mei, hisce legibus Deum inten-

disse? certè nihil aliud, quam id, quod Christus in Exordio Evangelii exsertis verbis afferit, quod nemo Deo simul & Mammonæ interfervire possit. Hoc qui facit, agrum animæ suæ diverso semine, nimisrum amore Dei & amore mundi spargit. Hoc qui facit, bove arat & asino, id est, duos diversos affectus habet, quibus ad terrestria simul & cœlestia aspirare satagit. Hoc qui facit, lino simul & lanâ se vestit, id est, pietatem & avaritiam in uno domicilio consistere posse sibi persuader, quod tamen fieri nunquam potest, si Christo, qui ipsissima veritas est, Joh. 14. v. 6. & sapientia, Matth. 11. v. 19. credere velimus. Nam nemo, inquit ille, nemo duobus Dominis servire potest, aut enim hunc habebit odio, & alterum diligit, aut huic adhæredit, & alterum neglet. Non potestis Deo servire & Mammonæ.

His verbis describitur *Mammonismus*

I. *Ratione quidditatis.* Vox Mammonis peregrina est, & in lingua Syriaca idem significat quod divitiae. Quando igitur Christus à mammonismo nos dehortatur, non prohibet habere vel possidere divitias. Nam divitiae bona sunt, modò absit peccatum, Sirach. 13. vers. 30. Sed servire tantum prohibet, quod omnes illi faciunt, qui cor suum divitias apponunt, Ps. 62. v. 11. & supra Deum & Dei mandata easdem extollunt, dum oculos avertunt, &

II 2

multis